


# 西漢博聞

二	二	漢
一	三	書
二	一	類
八	五	
七		
五		
冊	架	函
號	類	

二	二	漢
九	三	書
冊	一	類
架	五	
	二	
	九	



內閣文庫		
番號	漢	2315
冊數	12 ( 11 )	
函號	290	95





兩漢博聞卷第十一





漢博聞卷第十一

後漢

封禪

使君

太史公

巴蜀

使匈奴中郎將

擁節

都護

修鑿字

博士十四家

家法

石經

滕囊

樓櫓

三家詩

西域南山

匈奴龍祠


醜酒

羯胡

幅巾

馬當匈

舍元包一







秘經

跋蹕

綈表

請讞

君子不死之國

德星

不三宿桑下

佛陀

晉神養和

李母

青門

毘毘

奇幻

流沙

海大秦國蘇合香

魂歸岱天孫

貂鼯

較祀

秦海

文犀

藁葬

幅裂

虹蜺

投蜺

配祔

投暮

選懦之恩

聚落

玉門關

小杜律

管穴

宿麥

命天

大行

青部

拘儒

置之度外

解構

抵掌

糗糒

坏冶

刻玉版

銘功鼎

勒景裏之鍾

欽願

髻鬢



恭館

遂古

茹薇

診脉

賈胡

鼓下戮人

攘袂

錄尚書事

放手

贖刑

投傳

度遼將軍互原

部將

天人致誅

封事副封

昆侖塞

郎官上應列宿

懷擻

尤無狀者

斗食小吏

方目紗

鉛鑽

汴渠

大酺禁群飲

三老

白馬羗

三韓

太白

初作壽陵

後函谷關

褒斜

軍假吏山咀用材官

幘

豪傑英俊

司隸

穀皮綃頭

內學

謁太山請命

思遲學士

三屬

羣甲



兩漢博聞卷十一

封禪 光武紀

中元元年幸魯柴望岱宗登封太山禪  
梁父

注云岱宗太山也梁父太山下小山  
也封謂聚土為壇壇謂除地而祭改  
壇為禪神之也續漢志曰特上御輦  
升山即位於壇南北面尚書令奉玉



牒檢皇帝以寸三分璽親封之藏玉  
牌已以石覆訖尚書令以五寸印封  
石檢畢皇帝再拜禪祭地于梁陰以  
高后配山川群神從祀焉其玉牒文  
秘刻石文辭多不載  
使君 周恂傳六 郭伋傳二十一  
寇恂為上谷太守耿况功曹吏始立遣  
使者徇郡國恂從况迎使者上印綬使

者納之無還意恂勒兵入見使者就請  
之曰使君建節銜命以臨四方今始至  
上谷而墮大信將復何以號令他郡乎  
遂授况印綬

注云君者尊之稱故曰使君

郭伋為并州牧行部有童兒騎竹馬迎  
之曰聞使君到喜故來迎

太史公 光武紀中元元年



注云太史史官之長也前書音義曰

太史公武帝置位在丞相之上

巴蜀 光武紀

注云蜀有巴郡故總言之

使匈奴中郎將 擁節光武紀

建武六年匈奴遣使來獻使中郎將報

命

注云漢官儀曰使匈奴中郎將擁節

秩比二千石

匈奴傳論曰馳中郎之使

都護 西域傳七十八

武帝時西域內屬有三十六國漢為置  
校尉領護之宣帝改曰都護

注云前書云李廣利征討大宛之後

屯田渠犁置使者領營護田以供使

外國也宣帝時以鄭吉前破車師後



降日逐遂并令護車師以西北道號

曰都護都護之置始於吉也

脩黌宇儒林傳序六十九上

注云說文曰黌學也黌與橫同儒林

傳云遊庠序聚橫塾者蓋布之於邦

域矣

博士十四家徐防傳三十四

徐防曰漢以孔聖既遠微旨將絕故開

置大學立博士十有百家設甲乙之科  
以勉勸學者

注云漢官儀曰光武中興恢弘稽古

易有施孟梁丘賀京房書有歐陽和

伯夏侯勝建詩有中公轅固韓嬰春

秋有嚴彭祖顏安樂禮有戴德戴勝

凡十四博士太常差遣有聰明威重

一人為祭酒總領綱紀也前書曰歲



課甲科四十人為郎中乙科三十人為太子舍人丙科二十人補文學掌

故

家法 徐防傳

徐防曰伏見太學試博士弟子皆以意

說不脩家法

注云諸經為業各自名家

石經 儒林傳序

靈帝詔書諸儒正定五經刊於石碑為古文篆隸三體書法以相參檢樹之學門使天下咸取則焉

注云古文謂孔子壁中書篆隸並程

邈所作也

滕囊 儒林傳序

董卓移都之際典策剖散其縑帛圖書大則連為帷蓋小則制為滕囊



注云滕亦騰也徒恒反說文曰騰囊也

樓櫓 匈奴傳七十九 公孫瓚傳

造戰車可駕數牛上作樓櫓置於塞上

以拒匈奴

注云櫓即樓也釋名曰樓魚屋為櫓

樓櫓千里

注云櫓即櫓字說文釋名曰櫓露也

申

上無覆屋也

三家詩 儒林傳六十九下

前書魯人中公受詩於浮丘伯為作詁

訓是為魯詩齊人轅固生亦傳詩是為

齊詩燕人韓嬰亦傳詩是為韓詩三家

皆立博士趙人毛萇傳詩是為毛詩未

得立平帝時方立毛詩

西域南山 西域傳七十八



西域東極玉門陽關西至葱嶺其東北  
與匈奴烏孫相接南北有大山中央有  
河其南山東出金城與漢南山屬焉其

河有兩源

匈奴龍祠

南匈奴傳七十九

注云前書匈奴法歲二月諸長小會  
單于庭祠五月大會龍城祭其先天  
地鬼神八月大會蹠林課校人畜計

蹠音帶

醜酒

臧宮傳八

臧宮陳兵大會擊牛醜酒

注云醜所宜反說文云下酒也詩注

曰以芹曰醜也

羯胡

吳漢傳論八

戎羯喪其精膳

注云羯本匈奴別部分散居其上黨



武鄉羯室因號羯胡此總謂戎夷耳

不指於羯也

幅巾

鮑永傳十九  
彪傳十六

趙咨傳二十九

韋

注云幅巾謂不著冠但幅巾束首也

太尉楊賜辟趙咨使節巾出入請與講

議

注云以幅巾為首飾不加冠冕又符

融傳注云幅巾以一幅為之

韋者不應州郡之命靈帝就家拜東海

相詔書逼切不得已解巾之郡

注云巾幅巾也既服冠冕故解幅巾

馬當匈 鮑永傳

鮑永諫太守拔佩刀截馬當匈

注云當匈以韋為之也

舍元包 一郵傳十九

注云前書志曰太極元氣舍三為一



謂三才未分包而為一  
秘經 蘇竟傳二十上

注云謂幽秘之經即緯書之類也

踟躕 蘇竟傳

皇天所以眷顧踟躕憂漢子孫者也

注云踟躕猶徘徊也

緝裘 揚厚傳二十上

揚厚之祖春卿善圖讖學臨終戒其子

統曰吾緝裘中有先祖所傳秘記爾其  
脩之

注云緝厚縉也音提

請讞 襄楷傳二十下

注云讞疑也謂罪有疑者讞於廷尉  
也

君子不死之國 東夷傳七十五

東夷天性柔順易以道御至有君子不



死之國焉

注云山海經曰君子國衣冠帶劍食  
獸使二文虎在旁去琅邪三萬里山  
海經又曰不死人在交脛東其為人  
黑色壽不死並在東方也

德星

襄楷傳二十下

注云德星歲星也

不三宿桑下

佛陀

襄楷傳

襄楷上疏曰浮屠不三宿桑下不欲久  
生恩愛精之至也今陛下媼女艷婦極  
天下之麗

注云浮屠即佛陀也但聲轉耳並謂  
佛也言浮屠之人寄桑下者不經三  
宿便即移去示無愛戀之心也

嗇神養和

周盤傳二十九

注云嗇愛惜也



季母 西域傳

注云季母叔母也

青門 逢萌傳七十三

逢萌解冠挂東都城門

注云漢宮殿名東都門今名青門也

前書音義曰長安東都城北頭第一

毼毼

西域傳七十八

天竺國出細布好毼毼

注云毼它闔反毼音登埤蒼曰毛席

也釋名曰施之承大牀前小榻上登

以上牀也

奇幻 西域傳

注云大秦國俗多奇幻口中出火自

縛自解跳十二丸巧妙非常

流沙 傳論七十八

李恂傳四十一



天竺記云西度流沙屢有熱風惡鬼過  
之必死

注云廣志曰流沙在玉門關外東西  
數百里有三斷名曰三隴故曰隴沙  
以西使命不得通也

海大秦國 蘇合香 西域傳

大秦國在海西亦云海西國其人民皆  
長大正類東國故謂之大秦其國合會

諸香煎其干以為蘇合

魂歸岱 天孫烏桓傳八十

烏桓國言死者神靈歸赤山赤山在遼  
東西北數千里如中國人死者魂神歸  
岱山也

注云博物志泰山魂帝歸也主召人

魂東方萬物始故知人生命

貂離 鮮卑傳八十



鮮卑有貂狍鼯子皮毛柔煖故天下以  
為名裘

注云貂女滑及鼯胡昆及貂鼯並鼠  
屬貂猴屬也

較祀 吳祐傳五十四

注云祖道之禮封土為較壇也五經  
要義曰祖道者行祭為道路祈也周  
禮太馭掌王王路以祀較注云較祀

者封土象山於路側以芻棘栢為神  
主祭之以車轆較而去喻魚險難也  
秦海 西域傳

敦煌太守張璠上書以為北虜呼衍王  
常展轉蒲類秦海之間專制西域共為  
寇鈔

注云大秦國在西海西故曰秦海也  
蒲類亦國名



文犀馬援傳十四

注云犀之有文彩者也

藁葬馬援傳

馬援既卒有上書譖援前所載南方意  
茲一車皆明珠文犀帝益怒援妻孥惶  
懼不敢以喪還舊塋買城西數畝地藁  
葬而已

注云藁草也以不歸舊塋時權葬故

稱藁

幅裂南匈奴傳論七十九

方夏幅裂

注云諸夏如布帛之裂也

虹蜺揚賜傳四十四

注云爾雅云雙出色鮮盛者為雄曰

投蜺揚賜傳



春秋識曰投蜺天下怨海內亂

注云春秋演孔圖曰霓者斗之亂精也失度投霓見宋均注曰投霓投應

也

配衲 陳球傳四十六

曹節欲衲葬竇太后而以馮貴人配衲

注云衲謂新死之主於先死者之廟

婦衲於其夫

投暮 任光傳十一

注云投至也

選懦之恩 清河孝王傳四十五

注云選懦仁弱慈戀不決之意懦仁

充反

聚落

聚落化其德

注云小於鄉曰聚廣雅曰落居也



玉門關

班超傳三十七

注云玉門關屬敦煌郡今沙州也在

敦煌縣西北

小杜律

郭躬傳三十六

注云武帝時廷尉杜周之子延年亦

明習法律宣帝時為御史大夫對父

故言小

管兗

陳忠傳三十六

如其管兗妾有譏刺

注云管兗言小也史記扁鵲曰若以

管窺天

宿麥

安帝紀五

注云宿舊也麥必經年而熟故稱宿

命夫

安帝紀

注云命夫者其男子之為大夫也命

婦者其大夫之妻也



大行安帝紀

注云前書音義韋昭云大行者不反  
之辭也天子崩未有謚故稱大行也

穀梁傳曰大行受大名

青部 臧梁傳四十八

袁紹以臧洪為青州刺史時群盜颺起

而青部殷實

拘儒 左雄等傳論五十二

處士鄙生忘其拘儒拂巾社褐以企旌  
車之招矣

注云拘儒猶褊狹也

置之度外公孫述傳三

漢帝釋關隴之憂

注云隗囂居西無東之意故置之度  
外而不為憂

解構 隗囂傳三



帝與隗囂書曰自今已後手書相聞勿用人解構之言

注云解構猶間構也

抵掌隗囂傳

注云說文抵側擊也戰國策曰蘇秦與李允抵掌而談

糗糒隗囂傳

注云周禮曰糗熬大豆與米也說文

文云糒乾飯也

坏冶崔駰傳四十一

坏冶一陶

注云坏土器之未燒者

刻玉版崔駰傳

策合道從克乱弭衝乃將鏤玄珪冊顯功

注云珪玉也詩含神霧曰刻之玉版



藏之金匱

銘功鼎 崔駰傳

注云墨子曰昔夏后開冶使飛廉折

金於山以鑄鼎於昆吾蔡邕銘論曰

昌尚作周太師其功銘於昆吾之鼎

也

勒景襄之鍾 崔駰傳

注云國語曰晉魏顆以其身退秦師

于輔氏其勲銘于景鍾此兼言襄也  
欽頤 周煥傳四十三

周煥生而欽頤折頰醜狀駭人其母欲

棄之其父不聽曰吾聞聖賢多有異貌

注云頤頤也欽頤曲頤也說文曰頤

鼻莖也折亦曲也欽良卅反欽或作

斂音同

彭名馨 周煥傳



周燮始在髻髻而知廉讓

注云髻髮也禮記曰子生三月之末

擇日剪髮為髻男角女羈否則男左

女右髻徒果反

恭館

班固傳三十下

啓恭館之金滕

注云恭肅之館謂廟中也金滕以全

緘置藏符瑞之書於其中也

遂古

班固傳

注云遂古猶遠古

荔薇

申屠蟠傳四十三

昔人之隱巢棲荔薇

注云巢棲猶巢父也薇似藿也

詠脉

郭玉傳七十二下

有老父不知何出常漁釣於涪水因號

涪翁見有疾者時下針石輒應時而效



乃著針經詠脈法傳於世

注云詠候也

賈胡 李恂傳四十一

注云賈胡胡之商賈也

鼓下戮人 岑彭傳七

光武叔韓歆置鼓下將斬之

注云中將軍最尊自執旗鼓若置管

則立旗以為軍門并設鼓戮人必於

其下

攘袂

攘袂而正讓

注云袂衣袖也攘袂猶今之言捋臂

也

錄尚書事 肅宗紀三

肅宗以侯恁為太傅年融為太尉並錄

尚書事



注云武帝初以張子孺領尚書事錄  
尚書事由此始

放手顯宗紀

權門請託殘吏放手

注云放手謂貪縱為非也

贖刑顯宗紀

詔曰方春成節人以耕桑其救有司務  
順時氣使無煩擾天下亡命殊死已下

聽得贖論死罪入錄二十正右趾至髡  
鉗城旦春十正完城旦春至司寇作三  
匹

注云前書音義曰右趾謂刑其右足  
次刑左足次剝次黥次髡鉗為城旦  
春城旦者晝日伺寇虜夜暮築長城  
春者婦人犯罪不任軍役之事但令  
春以食徒者完者謂不加髡鉗而築



城也攻鬼薪白萊次隸臣妾次作司

寇

投傳陳蕃傳五十六

豫州刺史周景辟陳蕃為別駕從事蕃以諫爭不合投傳而去

注云投棄也傳謂符也丁憲反

度遼將軍五原

顯宗紀

永平五年北匈奴寇五原八年初置度

遼將軍屯五原曼柏

注云武帝拜范明友為度遼將軍至此復置焉以中郎將呂常行度遼將軍曼柏縣在今勝州銀城縣

部將寇恂傳六

注云部將謂軍部之下小將也

天人致誅

班固傳三十下

往者王莽作逆漢祚中缺天人致誅六



合相滅

注云天人謂天意人事共相誅也

封事 副封

顯宗紀永平八年

詔羣司勉修職事極言無諱於是在位者皆上封事各言得失

注云宣帝始令羣臣得奏封事以知下情封有正有副領尚書者先發副封所言不善屏而不奏後魏相奏去

副封以防擁蔽

昆侖塞

顯宗紀

永平十七年竇固耿秉劉張出敦煌昆侖塞擊破白山虜於蒲類海上

注云昆侖山名因以為塞在今肅州

酒泉縣西南山有昆侖之體故名之

周穆王見西王母于此山有石室王

母臺



郎官上應列宿 顯宗紀

郎官上應列宿出宰百里

注云史記曰太微宮後二十五星郎

位也

懷擻 陳寔傳五十二

中常侍侯覽託潁川太守高倫用吏倫

教署為文學掾功曹陳寔知非其人懷

擻請見

注云擻板書謂以高倫之教書之於

擻而懷之者懼洩事也

尤魚狀者 肅宗紀建初元年 前漢東方

詔刺史明加督察尤魚狀者

注云魚狀謂其罪惡尤大其狀魚可

寄言故云魚狀它皆類此前書館陶

公主徒跣頓首謝曰妾魚狀

師古曰狀形貌也魚狀猶言魚顏面



以見人也一曰自言所行醜惡無善狀也

斗食小吏肅宗紀

注云前書曰百石已下有斗食佐吏

之秩言小吏也

方目紗肅宗紀

詔齊相省冰紈方空縠吹綸絮

注云紈素也冰言色鮮潔如冰釋名

曰縠紗也方空者紗薄如空也或云孔也即今之方目紗也前書齊有三服官故詔齊相罷之

鈗鑽肅宗紀

元和元年詔曰自往者大獄已來掠考

多酷鈗鑽之屬慘苦無極

注云大獄謂楚王英等事也鈗其廉

反說文曰鈗鉞也國語曰中刑用鑽



鑿皆謂酷慘其肌膚也

汴渠顯宗紀

永平十二年遣將作謁者王吳修汴渠自滎陽至于千乘海口

注云汴渠即荇蕩渠也汴自滎陽首受河所謂石門在滎陽山北一里過汴已東積石為隄亦號金隄成帝陽嘉中所作也

大酺

禁羣飲顯宗紀永平十五年

令天下大酺五日

注云前書音義曰漢律三人已上無故羣飲罰金四兩今恩詔橫賜得令聚會飲食五日酺布也言天子布恩於天下

三老顯宗紀

詔賜天下男子爵人一級三老孝悌力



田人三級

注云前書音義曰男子者謂戶內之  
長也人賜爵者有罪得贖貧者得賣  
與人三老孝悌力田三者皆鄉官之  
名三老高帝置孝悌力田高后置所  
以勸導鄉里助成風化也文帝詔曰  
孝悌天下之大順也力田為生之本  
也三老衆人之師也其以戶口率置

員

白馬羌 光武紀

建武十三年廣漢徼外白馬羌豪率種  
人內屬

注云廣漢今益州雒縣也羌有百五  
十四種在廣漢西北者為白馬羌也  
三韓 東夷傳七十五

東夷有三韓一曰馬韓二曰辰韓三曰



弁韓馬韓在西有五十四國其北與桑  
浪南與倭接辰韓在東十有二國其北  
與濊貊接弁韓在辰韓之南亦十有二  
國凡七十八國百濟是其一國焉大者  
萬餘戶小者數十家各在山海間地方  
四十餘里

太白 杜篤傳七十

注云太白天之將軍

初作壽陵 光武紀

建武二十六年初作壽陵

注云初作陵未有名故號壽陵蓋取  
久長之義也漢自文帝以後皆預作

陵今循舊制也

後函谷關 光武紀

注云函谷谷名因谷以名關舊在弘  
農湖城縣西前書揚僕為樓船將軍



有功恥居關外武帝乃徙於新安故  
關在今洛州新安縣之東

褒斜順帝紀

注云褒斜漢中谷名南谷名褒北谷

名斜首尾七百里

軍假吏山阻用材官光武紀

建武七年詔曰今國有襄軍並多精勇  
宜且罷輕車騎士材官樓船士及軍假

吏

注云漢官儀曰高祖命天下郡國選  
能引關蹶張材力武猛者以為輕車  
騎七材官樓船常以秋後講肄課試  
各有員數平地用車騎山阻用材官  
水泉用樓船軍假吏謂軍中權置吏

也今悉罷之

續光武紀



注云漢官儀曰幘者古之卑賤不冠者之所服也方言曰覆善謂之幘或謂之承露

豪傑英俊 光武紀 崔駰傳

注云淮南子曰智過百人謂之豪白

虎通云賢過萬人曰傑

注云文子曰智過萬人謂之英千人謂之俊

司隸 光武紀

注云前書曰司隸校尉本周官武帝初置持節從中都官徒千二百人督大姦猾後罷其兵察三輔三河弘農秩比二千石音義云以掌徒隸而巡

察故曰司隸

穀皮綃頭 周黨傳七十三 白桐傳七十

周黨被徵不得已乃著短布單衣穀皮



絹頭待見尚書

注云以穀樹皮為絹頭也服此尚書  
以待見也

向翔性卓詭不倫恒讀老子狀如學道  
又似狂生好被髮著絳絹頭

注云說文絹生絲也從系肖聲音消  
業此字當作燥此消反其字從巾古  
詩云少年見羅敷脫巾著燥頭鄭玄

注儀禮云如今著燥頭自項中而前  
交額上却繞髻也

內學方術傳序七十二

自王莽矯用符命反先武尤信讖言自  
是習為內學尚奇文貴異數不乏於時  
矣

注云內學謂圖讖之書也其事祕密  
故稱內



謁太山請命

許曼傳七十二下

許峻少嘗篤病三年不愈乃謁太山請命

注云太山主人生死故謂請命也

思遲直士

肅宗紀建初五年

詔朕思遲直士側席異聞

注云遲猶希望也持二反側席謂不

正坐所以待其賢良也

三屬肅宗紀元和元年

詔曰往者妖言大獄所及廣遠一人犯

罪禁至三屬

注云三屬即三族也謂父族母族

族



茅甲

肅宗紀

方春生養萬物茅甲

注云茅葉裏白皮也易曰百果甲拆





乙丑三月四日檢

坦

文正乙丑



